

محراب

انفوقی ، اجتماعی ، فلسفی ، تاریخی ، ادبی مجموعه
شیدیلک اون بش کونده نشر اولونور

منهجات :

۶۵	فلسفه نشر یاتنده برترقی خطوه سی	« مصاحبه »	محمد امین
۶۷	ابن تیمیه	« تاریخی »	شرف الدین
۶۸	شهاب الدین سهروردی	« فلسفی »	یوسف ضیا
۶۷	بیله زلره قدر	« ادبی »	ملک ضیا
۶۸	مثل اعلا	« کلامی »	شرف الدین
۶۹	قیرغیز وقازاقلر	« اتنوگرافی »	رفت
۷۰	بروسه شهری	« جغرافی »	محمد شرف
۷۱	حی بن یقظای	« رومان »	ابو طفیل
۷۲	غزل	« شعر »	محمد صدیقی
۷۳	صیرچه سرای	« شعر »	حسن عالی
۷۴	ذلیخا	« شعر »	عابد
۷۵	ماضی	« شعر »	اسماعیل نامی

شهزاده باشی : اوقاف اسلامیة مطبعه سی

نه احتیاسه بر ویرمسنده، نه میخانیکیه قارشی تعرضنده در. بلکه حیات روحیه‌نک
طرز تکاملنی کوسترمنسنده در. ویلیام جیمسده جهد Effort برغسونده حمایه مفهومی
حیات روحیه‌نی طابقمده بزه یکی بر افق آچمشدر.

اعتراف ایدیم که بنم تفکراتم ویلیام جیمسک دوردینی نقطه‌ده قالدی، یعنی بر نوع
«مطلق» ی بیلدیره‌جک حدس Intuition ک باشلی باشنه بر منبع معرفت اولابیله‌جک
قانع اولامادم. فقط عالمی یالکیز مادی و میخانیکی کورن فلسفه‌سیسته‌ملرینه قارشی اک
درین ضربه‌یی ایندیره‌رک «پلورالیزم» دعوانی دایانه ایضاح ایدن روحک حریتنه
بر برافان بو بویوک فرانسه‌فلسوفی تخیل‌لرده‌کی قدرتیله هیچ شه بوق که عالمی دار بر
صورته کورمه‌نک ابدیاً اوکنی آلمش اولسه کرکدر.

ترجمه‌ده‌کی اسلوبه ونسبه‌آز صحیفه‌ده برغسون فلسفه‌سی آکلامقده‌کی درجه‌موفقیتنه
کلنجه اونک ایچون بر شی سویاهمک بکا دوشمز. هر کتابی او قویان، شکیب بکک بو
خصوصده کوندن کونه آرتان قدرتنه بنم کی درین بر حرمت و تقدیر حسیله متحسین
اولاجقدر. امینم که زمان کچدکه بو قیمتلی ارقداشمزک مـ اعینسی هر کسجه ده‌ای
دویولاجق، چوق ده‌ای آکلاشیلابیله‌جکدر.

مقدمه‌سی فلسفه مراقیلرینه غربک اک بویوک بر فلسوفی پک ای بر صورته
طایتدیره‌جنی کی اوزون اوزادی‌یه طاتلی بر صورته دوشونه‌جکری موضوعلری‌ده
بولاجقدر. بو موضوعلر عصرک فلسفه‌سنک اک اـ اسلی جهتیدر. بنم کتاب حقنده
محقق توصیه لازم کسه‌یدی یالکیز «یالکیز چوق دقتله او قویکیز» دییه بیلیردم.

دارالفنون تاریخ فلسفه معلی

محمد امین

تاریخی

شیخ الاسلام ابن تیمیه

شخصیتی اطرافده برچوق موافق و مخالف رأیلر طویل‌انمش اولانلردن بری وحقی
شخصیتی پک شدتلی کورولتیره سبب اولانلرک اک برنجیمی (شیخ الاسلام ابن تیمیه) در.
سببی‌ده زماننده‌کی دین نامنه یاپیلان بدع و مراسم و بعض رسوم علمیه‌یه شدتله هجوم ایتیش

اولسیدرکہ بزجہ ہر حالہ صمیمی اولان (ابن تیمیہ) بوحر کتلیلہ مأجور اولدینی کی مخالفلرندن ده کندیسکی کی صمیمی بولتالیر معذور ایدیلر . حیاتی بک دغدغہ لی کچمش وزندانن زندانہ سور وکلنمش ایدی . لہدارلرندن کندیسکی زمانندن اوچوز سنہ اولدنبری امثالی ظہور ایتمین ائمہ دین و مجتہدیندن عدایدنلر بولندینی کی [۱] علیہدارلرندن ده تمامیلہ بونک عکسکی ادعا ایدنلر واردر .

اسمی (تقی الدین ابوالعباس احمد) اولوب (عبدالحلیم - عبدالحکیم شہاب الدین) نامندہ اکابر حنبلیہ دن معدود برذاتک صلبندن ؛ شرق تاریخ قدیمک الک مشہور مراکز علمیہ و دینیہ سندن بری اولان (حرکان) ده (۶۶۱) تاریخ ہجریسندہ دنیاہ کلشدر . (ابن تیمیہ) نامی کندیسک اسمی اولیوب منسوب اولدینی عائلہ علمیہ سنک نامی ایدی . یدنجی و سکنجی بطنہ قدر آباء واجدادی و حق والدہ لری و خالہ لری دخی داخل اولمق اوزرہ علما و فضلا دن ایدیلر . کندیسندن اول جدینک پدرینک برادر زادہ سی خطیب و واعظ مشہور (ابو عبداللہ محمد) نامندہ کی دخی (ابن تیمیہ) نامیلہ مشہور ایدی . بوگون ایسہ بو عنوان ایلہ طانیلان یالکیز صاحب ترجمہ در . بو زائدہ کی فوق العادہ لکک - بینی منسوب اولدینی بومہم عائلہ علمیہ ده آراق لازم اولدینی کی موغول استیلا سیلہ عالم اسلامک تذبذبات ایچندہ بولندینی بر زمانندہ دنیاہ کلش اولدینی ده حسابہ قانع لازمدر . آلی یاشندہ ایکن موغول قورقوسندن قاچان عائلہ سیلہ برابر درلو قورقورلر ایچریسندہ برکیجہ الک مہم اشباری اولان کتابلریلہ (دمشق) شہرینہ التجا ایتدیلر . بورادہ تحصیلہ باشلا یوب (ابن عبدالدائم) قاسم ابوبلی ، مسلم بن علان و سائرہ کی ایکویزدن زیادہ اساندہ دن علم حدیث تحصیل ایلدی . (ابن تیمیہ) بر طرفدن علم حدیث او قوبور و بر طرفدن دخی کندی ایلہ (ابن ابی داود) و سائر اجزاء حدیثیہ استنساخ ایدیور ایدی . علم حدیثک فروغندن اولان رجال حدیثک تراجم احوالی و دیگر اقسامنی او کړندی . و قرآن کریمی حفظ ایلہ فقہ و نحو او قوددی . و چوجق ایکن نحوہ تام برا حاطہ یہ مالک اولدی . و بوندن صکرہ کندینی تمامیلہ تفسیرہ و یروب بو علمدہ مرتبہ قصوایہ واصل اولدی کہ (ابن تیمیہ) بوتاریخدہ هنوز اون واونیش یاشلرتدہ بولنیور ایدی . بوسندہ ایکن محافل علمیہ ده کی مباحثاتہ اشتراک ایدیور و علم ایلہ بنام اولان کبار علمانک نظر تقدیر [۱] (دمشق) ک حنفی قاضی (شمس الدین ابن الحریری) (ابن تیمیہ) حقندہ ترتیب ایتمش اولدینی محضرندہ کندیسکی بوضورتلہ بنا ایتمش ایدی .

و حیرت‌لرینی جلب ایدیور ایدی . اون یدی یاشنده فتوا ویرمه و آثار جمع و تالیف ایتمه باشلامش ایدی پدرینک و فاشنده یکریمی بریاشنده بولان (ابن تیمیه) بوتار یخدن صکره وظیفه تدریسه ابتدار ایلدی .

و جمعه کونلری کرسیده یالکیز محفوظاتنه استناداً (کتاب عزیزی) تفسیره باشلادی که انشای تقریر و افاده ده هیچ توقف ایتیور و سوزلرنده هیچ برپوروز بولنیور ایدی .
ماخذ من اولان (الدرر الکامنه) سنده (ابن حجر) شیویه سویلیور : (سرعت استحضار و قوه خیال و منقول و معقوله توسعمده و ساف و خاف مذهبلرینه اطلاعده شایان حیرت براردهده ایدی .

علم و دین عالیه سندن ظهور ایتش اولان (ابن تیمیه) ابوتلرنندن پک قوتلی بر تربیه آلمش ایدی . بنابرین هر حال و کارنده حق و استقامتدن انحراف ایتیور و چوجقلغنده اکمکمل بر تربیه دینییه حسن مثال تشکیل ایدیور ایدی . (۶۹۱) ده حجدن عودت ایتدیکی تاریخده بلا منازع علم و دینک امامی اولمش ایدی . (ابن تیمیه) نک بو امامت و ریاستنی چکه مینلر وار ایدی . بناء علیه (۶۹۸) ده (عقیده حمویه) سی مناسبتیه فقهاذن برزمره علیه حرکتیه باشلادیلر . شافعیه قاضیسنک نائی (امام الدین القزوی) و برادری (جلال الدین) بو حرکتک اوکنی آلق و بعدما دخی وقوع بوله حق دیکر بر حرکتیه مانع اولق ایچون (ابن تیمیه) نک علیه بولنلری تعزیر ایده جکلرینی اعلان ایتدیلر . فقط علیه دارلرینک حرکتنی توقیفه بواعلان کافی گلدی . مع مافیه مهذارلری دخی یونلره قارشو مقاومتدن کری دورمدیلر و حتی تعرضی حرکتلره کچدیلر . (ابن تیمیه) نک شخصیئی اطرافنده کی موافق و مخالف حرکتلرک آسایش مملکت اوزرنده تأثیری کورلمکه باشلادی . و شافعیه قاضیسی (نجم الدین ابن صصری) کندی کندیسنی عزله مجبور اولدی . و الی آسایشی تأمین مقصدیه مسائل دینییه حقنده مناظره بی صورت عمومیه ده منع ایتدی . و نهایت والی ده عاجز اولوب کیفیتی مرکز حکومت اولان (قاهره) یه بیلدیرمه مجبور اولدی . (قاضی نجم الدین ابن صصری) و (ابن تیمیه) مرکز حکومتیه ایستلادی . و ایلاک دومه (۶۹۸) ده وقوع اختلافک صورت جریانی صورلدی .

(پیرس الجاشنکیر) و مالکیه قاضیسی (زین الدین بن مخلوف) (ابن تیمیه) علیه قازانیامش ایدیلر . [(قاهره) ده بولان (نصر المنجی) نامنده کی بر ذاته محی الدین ابن

عربی حضرت تارینک طرقداری اولمئندن طولای (ابن تیمیہ) اولجه عتاب آمیز برمکتوب یازمش ایدی که (بیرس) ک حرمت ایتدیکی بو ذات (بیرس) ی (ابن تیمیہ) علیهنه تحریک ایتمش ایدی . [

قاهره نك خبلیه قاضیسی بولنان (شراف الدین الحرابی) ایسه قدرت علمیه دن محروم اولدیغندن (ابن تیمیہ) علیهنه احضار ایدلمش اولان حرکته اتباعه مجبور اولمش ایدی . (دمشق) ک شافیه قاضیسی (ابن تیمیہ) جماعتدن بر چوق کیمسه لر ایله برابر (قاهره) یه کلدیلر (قاهره) نك مالکیه قاضیسی مذکور (زین الدین بن مخلوف) (ابن تیمیہ) یه بر سوال توجیه ایتدن درحال کنديسی (قاهره) قاعه سنك بر برجه حبس ایتدی . فقط (ابن تیمیہ) یی زیارتچیلر اکسیک اولیور ایدی . بونك ایچون قلعه برجندن مخزنه نقل ایتدیلر . (دمشق) قاضیسی (نجم الدین ابن صصری) (دمشق) ه دوندی و (ابن تیمیہ) طرفدارلری یاپانلرک شدیداً تجزیه ایدیلر چکنی اعلان ایلدی .

(بیرس) ک خلافة اوله رق (سلار) (ابن تیمیہ) یی الزام ایدیور ایدی . بونك ایچون شافعی دن ملکی قاضیلرینک رایلرینی آلوب (ابن تیمیہ) نك حبسدن چیقارلمسینی دوشوندی . قاضیلر بعض مسائلده (ابن تیمیہ) نك فکر آرجوعنی شرط قوشدیلر کنديسنه بالدفاعات خبر کوندرلدی . فقط (ابن تیمیہ) اصلا روی قبول کوسترمدی . (سلار) ک تأثیريله اولمیدرکه قلعه محزنندن تکرار برجه نقل ایلدی . برمدت صکره حریتی اعاده ایلدی و (قاهره) ده اقامته باشلادی . (حکیم) صاحبی مشهور (تاج الدین ابن عطا) نك اطرافه طولانمش اولان مشایخ طرق (ابن تیمیہ) نك بونلره توجیه ایتمش اولدینی انتقادادن متأر اوله رق کنديسندن شکایته باشلادیلر [*] بوندن طولای پوسته تاناریله اداره (دمشق) ه کوندرلمش ایسده مالکیه قاضیسی مذکور (زین العابدین بن مخلوف) ثلوم درجه سنده خسته اولسنه رغماً بر دعوا بهانه سیله (ابن تیمیہ) یی (بلیس) دن کری چویرتدی . و (دیلم) محله سی حبس خانه سنده حبس ایتدیور دی . و (۷۰۹) زه قدر بو حبس خانه ده قالدی . و (۷۰۹) ده تکرار نائل سلطنت اولمش اولان (ناصر) (قاهره) یه کلوب کنديسیله بتون مخالفلرینی باریشدیور دی وبالا خره (ناصر) ایله برابر غزا نییله شامه توجه ایتدی سنلردن بری کنديسندن ایرلمش اولان طلبه همشهریلری کنديسینی پک بیوک احتفالات

[*] (ابن تیمیہ) (منهاج السنة) نام کتابنک دردنچی جلدینک یوز النبی صحیفه سنده یازدینی وجه اوزره بومشایخ ایچریسندن بعضیلری (ابن تیمیہ) نك سوزلریله طریقتلردن رجوع ایتشلرایدی .

ایله قارشیلادیلر . (ابن تیمیہ) حیاتده بولنان والدہ سنه و طلبہ سنه قاوشدی . (۸۱۹) ده
 ینہ بر مسأله علمیه دن طولانی فتوادن منع اولنوب (دمشق) قلعه سنه حبس ایدلدی .
 و (۷۲۱) ده چیقاریلوب (۷۲۶) ده ینہ دیگر بر مسأله علمیه دن طولانی تکرار حبس
 ایدلدی ایکی سنه صکره یغی (۷۲۸) ده محبسده ترک حیات ایدلدی . 
 مادحتری آره سنده کمال الدین زملکانی و ابو حیانی کوره بیلیرز . (ابو حیان) (ابن
 تیمیہ) بی (قاهره) ده ایلك کوردیکی زمان کندیسنه مفتون اولمش (کوزلرم بونک کیسی
 کورمدی) دییه حقنده کوزل بر قصیده مدحیه یازمش ایدی . فقط بوایکی ذاتک ایکسی ده
 انشای مباحثانده (ابن تیمیہ) کندیلرینی شدله مغلوب ایتمش اولدیغندن بالآخره عامنه
 دوئمشلر ایدی .

(امام ذهبی) دیورکه : هر هانکی بر مسأله بی محاکمه ایتمه باشلانجه محاکمه سنک قوتنه
 و معلوماتنک وسعتنه حیرت ایتماک قابل دکل ایدی . شرائط اجتهاد کندیسنده بولمسنه
 نظراً اجتهاده حق وار ایدی . کندیسی قدر آیات لازمه بی سرعتله استحضار ایله مسأله بی
 تنویر ایدن دیگر بر کیسه کورمدم سنت کوزلرینک اوکنده و دینلنک اوچنده ایدی . تفسیرده
 خارق العاده ایدی . کوم لایمندن اصلاً حذر ایتمه رک هر زمانده و مکانده حق و حقیقی سویلر
 ایدی . کندیسی طانیانلر کندی حقنده کی بو سوزلرمی آز کوزورلر . طانیان و یاخود
 طانیق ایستیمیلر افراط ایتمش اولدیغمی سویلر . بی لهدارلرینی ده ، علمدارلرینی ده
 کورنلردیم .

ینہ (امام ذهبی) دن (ابن تیمیہ) نک اشکالی دخی او کره نیورز : « آق یوزلی
 سیاه صاجلی و سیاه صقاللی ایدی . صاجلری قولاقلرینک مملرینه قدر اینر ایدی . گوزلری
 کله سز قونوشان ایکی لسان ایدی . آموزلرینک آردسی کنیش و سسی گور ایدی . بوی
 اورتا ایدی . قرائتی سریع ایدی .

کندیسنه حدت طاری اولور ایدیسنه حدتنه غلبه ایدر ایدی . انشای مباحثه ده خصمنه
 شدته سوز سویلدیکندن حقنده جلب عداوت ایدر ایدی . اگر خصومه براز لطف
 ایتک طریقنی التزام ایده ایدی جمله بی کندیسنه ربط ایده بیلیر ایدی . چونکه کبار علمانک
 هپسی فضیلتنی معترف ایدیلر .

دین ایله تلاعب ایتمز و انفراد ایتدیکی مسائله لایعن علم حرکت ایلز ایدی . کیف ما اتفق

اطلاق لسان ایتیوب هر سوزنده قرآن
و یا حدیث و یا قیاسی ایله احتیاج
ایلایدی . دیکر ائمه مجتهدین کی خطا
ایتمش ایسه براجر و اصابت ایلمش ایسه
ایکی اجره نائل اولسی مراحم الهیه دن
مأمولدر . وفاتینده (دمشق) جامعنده
نمازی قیلندی جنازه سنده بولنلر اک
اشاعی الی بیک کیشی ایدی .
وفاتینده بر چوق شعر و علما
طرفدن حقینده مرثیه لر و قصیده لر
یازیلشدر . آئینده کی شعر ، حقینده
سویلنلش اولان بر قصیده در .

صیرجه سرای

کیجه ... کوکلرده بوصول برمهتاب و
ایدیور تاحریم قلبه خطاب !..

دیکلدم بوشلغک دهرین سسنی ؛
بوللایور ماورایه بسته سنی .

آه اونوتدم او آئنده دوینوم نه ؟ !..
صانکه اوچدم بولوطرک ایچنه !

تولو برحسله کوز سوزهرکن آی ،
چوکلدی بر دنبره بوصیرچه سرای !..

مسح علی

ماذا يقول الواصفون له وصفاته جلت عن الحصر

هو حجة لله قاهرة هو مبتنى اعجوبة العصر

هو آية في الخلق ظاهرة انوارها اربت على الفجر

« آتی وصف ایدنلر نه دییه بیلیرلر ؟ . - اوصاف و محامدی حد و احصادن بیرونلر .
او جناب حقک بر حجت قاهره سیدر . عصرک اک شایان تعجب بر مبتناسیدر . او ؛ خلق
آردسینده بر آیت ظاهره درکه انواری انوار فجره غلبه ایتمشدر . »
آتاری بک چوق اولوب بعضیلری اخیراً مصرده طبع ایدلمشدر .

دار الخلافه مدرسه سی صحن قسمی مدرسلرندن

محمد شرف الدین

